

مشارك ولا مشاحن _ صدقني لازم تسمعه قبل ليلة النصف من

شعبان

علاء حامد

قوله صلى الله عليه وسلم اذا كانت ليلة النصف شعبان اطلع الله الى عبادہ. يبقي ده اطلاع خاص طيب يطلع العبادة يحصل ايه؟ فيغفر لجميع خلقه خاص وفي ليلة النصف من شعبان كانه يعني مساعدة لك - [00:00:01](#)

وكان قاعد يقول لك استحي ده انا باتودد اليك وجايب لك هدية وباساعدك يعني يعني انت لسة نايم. يغفر لجميع خلقه الا الاثنين مشرك هو مشاحن للمشارك وليله المشاحن؟ قال لك المشارك لانه قطع الصلة بينه وبين الله - [00:00:19](#)

ولان المشاحن قطع الصلة بينه وبين عباد الله الاثنين والاثنين دول مش هيتغفر لهم انا من دلوقتي اشتغل على نفسي اشتغل على نفسي ازاى اشتغل على نفسي ان انا ما ابقاش من الاثنين دول - [00:00:38](#)

ده مشرك ولا ملح وتلقائي هيتغفر لك حتى لو اليوم ده عادي يعني عدي عادي عليك ما عملتش حاجة مميزة حتى لو ما صومتوش حتى يعني ما عملتش حاجة في اليوم دوت يعني. عادي بس انت في اللحظة ديت الليلة - [00:00:59](#)

ما كنتش في شرك ولا في بينك وبين حد ايه؟ مشاحنة. تلقائي هيتغفر لك كمان يعني من غير ما اطلب اه من غير ما اطلب بجد ايوة بجد يغفر لجميع خلقه - [00:01:14](#)

الا لمشارك او مش طب لو قعدت تستغفر يا سلام تبقى بطل لو عدي الصنف من دلوقتي هتبقوا بطلين. بس كل ده شرط معه انك برضه ما تبقاش لا مشرك ولا مشاحن - [00:01:30](#)

كل ما انا اكيد مش مشرك خد بالك لازم تتعلم ان في منا بيعق في شركات سبب الجهل انت اتعلمت ايه هو الشرك خدت درس عقيدة كده وتدرس لك ايه هو الشرك الاكبر - [00:01:44](#)

ايه هو الشرك الاصغر؟ ايه الفرق بينهم؟ ايه انواع الشرك الاكبر؟ ايه انواع الشرك الاصغر؟ هل حاسبت نفسك على العلم ده كله؟ وعرفت انت مش مشرك ولا انت مشرك ممكن تكون واقع في شركات وانت مش حاسس - [00:02:01](#)

النبي عليه الصلاة والسلام نفسه يقول اللهم اني اه اه اللهم اعوذ بك من اشرك بك شأن ايه؟ اعلمه واستغفرك لما لا اعلم. يعني وارد الانسان يزل في حاجة بسبب الايه الغفلة او جهل او او او تخيل بقى انت ممكن تكون وقعت في حاجات كتير. وانت مش حاسس - [00:02:15](#)

شركات ما هو الشرك مش ان انت تسجد بس لصنم. زي ما الناس فاكرة. يقول لك يا عم الشفيع احنا بنقول لا اله الا الله. هي ما تقول لا اله الا الله يشترط عشان لا اله الا الله دي تنفعك. انك - [00:02:37](#)

ما تعملش حاجة ضدها يعني هو انت تقول لا اله الا الله. انت المفروض عملت حاجة تناقض تهد لا اله الا الله ديت لو عملت يبقي لا اله الا الله ما تنفعكش - [00:02:47](#)

في شركة اكبر زي ايه؟ زي مسلا لو انسان بيقول لا اله الا الله بس بيعتقد ان في حاجة اسمها اولياء بينفعوا ويضروا ممكن يدعوهم من غير الله. ممكن ينزل لهم. ممكن يطلب منهم الشفاعة. وممكن يطلب منهم الايه؟ يطلب منهم قضاء الحوائج. يقول لك انا بقول - [00:02:59](#)

لا اله الا الله بس انت بتهدا في نفس الوقت يدبح لغير الله بتهدا في نفس الوقت ممكن يكون بيقول لا اله الا الله ويبمارس السحر

يبقى هدها في نفس الوقت. بيقول لا اله الا الله - 00:03:19

بس اه في واحدة كده بتقرا فنجان قال لها تعالي اقري لي الفنجان. قولي لي هيصل لي ايه بكرة او بيقرا حرك اليوم وما بيصدقها حرك اليوم بس ؟ بس وصدقها - 00:03:36

او ان هو مسلا يعتقد ان فيه ناس فعلا بتعلم الغيب او يعتقد في الافلاك ده يناقض لا اله الا الله ما دي امور بتحصل من مسلمين كثير جدا ناس كثير من المسلمين عندها ايه ؟ عندها الحاجات ديت. واحد مسلم بيقول لا اله الا الله بيعتقد ان النصارى مش كفار -

00:03:52

ده مشرك لان هو مكذب للقرآن لا يصح ايمانه حتى يعتقد ان غير المسلمين كفار. والا ايه فايده الاسلام ؟ فايه لازمة بعسة النبي عليه الصلاة والسلام ؟ طالما كله هيخش الجنة - 00:04:19

لما نبقى اي ملة وخلاص اي حد لا يقول محمد رسول الله فهو كافر ولابد ان تعتقد ذلك تقول لي انا ما لي لا لك علاقة دي اعتقاد لازم تعتقده عشان تلقى الله بقلب سليم - 00:04:34

واحد بيقول لا اله الا الله بس بيعتقد ان الشريعة غير مناسبة للعصر الحديث وان الشريعة ديت قديمة يا وحشية فيها رجعية فيها احكام متخلفة القانون الحديث اكثر حكمة واكثر عدلا. وده يعني ناس حكماء اللي حاطينه - 00:04:49

لا اله الا الله وهدافها في نفس الوقت الحكم الا لله امر الا تعبدوا. يبقى اللي ما بيعتقدش كده ما بيعبدش ربنا في كم مسلم ممكن يكون بيعتقد حاجة زي كده. واحد بيقول لا اله الا الله بس شايف ان في بعض الاحكام كده في الاسلام والمتخلفة - 00:05:12
ولا ما فيش ؟ فيه بنت شايقة الحجاب تخلف في واحد شايف الحدود وحشية ده بيطن في الدين ازاى لا يقبل ؟ اذا ممكن واحد يقع في الشراكيات انا مطلوب مني ايه يا اخي ؟ اتعلم - 00:05:32

وفيه شركة اصغر بقى ده اكثر بكثير حلف بغير الله شركة اصغر الاعتقاد في التماثيل الحزازات والاحبة ومش عارف ايه ودي بتجيب حز ودي بتعمل لي ودي حزازة قول الانسان ما شاء الله وشئت - 00:05:48

كون الانسان لولا الله وانت حاجات بقى كثير اتعلمت الشرك الاصغر وانت ناوي على ايه ؟ انت ممكن من دلوقتي لغاية ما نيحي نصف من شعبان تتعلم. ايه هو الشرك الاكبر ؟ - 00:06:06

ايه هو الشرك الاصغر واسأل نفسي واتأكد ان انا مش واقع في حاجة من دول يبقى دي مشرك. يا مشرك دي ما تعديهاش كده الحمد لله مش احنا لا نتعلم ايه هو الشرك اتعلم تاخذ درس عقيدة تتعلم كتاب معين في العقيدة - 00:06:19

مشاحن لو عدت بقى من الشرك ممكن تكون واقع في مشاحن هو شاحن بكثير كثير اوي اخوة مش طايقين بعض. ليه ؟ ولا حاجة. ما فيش اي حاجة. الموضوع تافه ما لوش اي لازمة. ما تسلموش على بعض - 00:06:38

اخذت مع زميلتها حصل منه موقف سخيف ما بيكلموش بعض من ساعتها بس ببساط بكل بساطة بكل بساطة موقف عادي حصل سوء تفاهم حصل غلطة. حصل سوء تقدير. حصل اي حاجة. ما بيكلموش بعض. على طول قرار - 00:06:56

سلموش على بعض. فورا والبنات شداد في ما بتعرفش ليه يحسموا كده يعني الرجالة بيفكوها شوية البنات يا حبيبتى اوي يا الضلمة قوي يعني ما فيش في النص دي حاجة بشعة جدا سيئة - 00:07:12

الانسان لو واجد الشخص مسلا مش مناسب لك ما تقطعش معه اه طباعكم مختلفة. ما تقطعش معي. ابق عليه عادي. بس يعني خلاص تقلل الاعمال المشتركة عشان احنا مش متنازلين مع بعض. انت مش وحش وانا مش وحش يعني - 00:07:29

بس نقطع مع بعض ليه يعني ؟ اخوك اكيد فيه حاجات كثير كويسة الزوج اللي بيازي زوجته طول النهار اتخانق معها لحاجات تافهة ومزعلها دايم يعني انت تروح تصالحهم وتبوس دماغها كده وتسترضيها وتقول لها سامحيني. لله يا اخي عشان ربنا يغفر لك ويغفر لها. ما هي برضو شاحنة معك. وانت شاحن معها - 00:07:42

اوعى تستفيد ايه لما انتم التاتنين ما يتوفرلكمش يعني طلعت بايه ؟ البيت ما فيهوش بركة. بيت فيه اللي فيه ما تغفرلهمش. مازا

تتوقع في الاولاد وفي البركة وفي الرزق وفي كل حاجة - 00:08:06

روح يا اخي اتأسف لها. هي اللي غلطت. يا عم اتأسف لها. انت الكبير ما هي اتأسفت لك قبل كده وانت ما قبلتش اللي بيوقع ما بين اخته وما بين مراته. اللي بيوقع ما بين مامته وما بين مراته. الدنيا المتكعبة دي. اللي قاطع مع عمامه - [00:08:17](#)

مع خلاله سبب ملايم اختلاف مرة في ورس حصل في العيلة العيلة كلها ما بتتكلمش مع بعض ورس وما ادراك ما الورس؟ كم قطع من ارحامك الورس ده يا اخوانا كارسة كبيرة. النبي عليه الصلاة والسلام قال ان الرجل ليعمل زمانا لعمل اهل الجنة - [00:08:36](#)

ثم يجور في الوصية ليدخل النار سوء خواتيم كم فيه كم شحنا بسبب ويلس؟ مش هندي البنات والبنات زعلانة من الرجالة والرجالة زعلانة من ما حدش بيكلم حد عشان ده زالمني ودي زالماني وانت واخذ لأ انت خدت حقك - [00:08:56](#)

بسبب موقف صغير كده ما بيكلموش بعض من زمان. كل دول مش هيبقى في الله الاخر عشان انا بتكلم في حاجات قطيعة وديوية عادية ساب دنيا بسبب حاجات صغيرة مش قطيعة عشان دين مسلا عشان عقيدة عشان في موقف لأ انا بتكلم دين - [00:09:18](#)

لا يحل مسلم ان يهجر الدنيا لا يحل مسلم ان يعجز اخاه فوق ثلاث انا من دلوقتي ابتدي انا عندي وقت اراجع كل علاقاتي. لها صحابي شغل الشارع العمارة في العيلة - [00:09:38](#)

هبتدي الم كل العلاقات اي حاجة ممكن المها من ناحيتي المها حاولت وقفلت الناحية الثانية يا رب انا عملت اللي علي وصلت. كلمتهم مش عايزين يكلموك. بعث لهم رسالة ما ردوش علي. يعني اعمل اللي عليك. تقول لي ما هم معلى اعمل اللي عليك - [00:09:55](#)

قدم السبب يعني ربنا يرى ان انت حاولت. مش مهم انت ما تعملهمش مش عايز منهم حاجة. انت بتعاملهم لله بس. انت لو حظيت القاعدة دي هيسهل عليك انك انت تصل من قطعك - [00:10:16](#)

انت بتعامل ربنا بس مش عايز منهم حاجة. مش اللي يزورني بزوره. لأ اللي ما بيزورنيش بزوره انا بعامل ربنا بس خلصت انا مستني ليلة انا عايز اعدى. هم بقى مش عايزين يعدو مشكلتهم. بس انا مش هعديها كده. انا لازم اعدى الليلة ديت - [00:10:30](#)

مشارك ومشاحن. علاقتنا يا اخوانا نصلحها. نضحك في وش بعض نسلم على بعض. الخلافات السياسية وما ادراك ما الخلافات السياسية قطعت ما بيننا ما لناش فيها ولا بنعمل اي حاجة. احنا مجرد متابعين يعني يعني انت مش موجود في العملية حتى نفسها. انت متابع بس. بس انت بتشجع دول. وده بيشحج دول - [00:10:49](#)

طيب مع بعض. اللي هو ما فيش حاجة. يعني احنا ما بنعملش حاجة اصلا على الارض. ما فيش حاجة. مجرد ان انا متعاطف مع دول. وده متعاطف مع دول مقاطعين مع بعض. عشان انت تبع دول وانا تبع دول. يعني ما ينفعش ان احنا - [00:11:10](#)

نختلف في السياسة ونبقى اخوان عادي نكلم بعض ونسلم على بعض ونضحك في وش بعض عادي ونتحمل الخلاف ولا هي اسلام وكفر وخلص؟ يعني يا ابيض ده شايف ده منافق وده شايف ده منافق على فكرة ما تفتكرش ان انت واحد بس شايف من ناحية واحدة - [00:11:20](#)

من امور مختلطة والدنيا ضبابية واحنا اصلا يعني متفرجين في الاخر. نقطع مع بعض ليه؟ اختلف يا عم زي ما انت عايز. بس ابق على العلاقة ما بالك بقى لو الموضوع بسبب كورة - [00:11:40](#)

مش سياسة كورة سبيت اتنين قاطعين مع بعض. عشان ده انت قلست على الاهلي وانا بقلس على الزمالك وانت بتشجع بيراميدز ومحترم منصور مزعلنا شوية. في ايه هي؟ هنقطع بعض عشان - [00:11:55](#)

مرتضى منصور مش كده يعني. لأ لما تستاهلش خالص دي ها بكرة الدنيا جميلة وعايزين ايه نقعدوا مع بعض كويسين. فتخيل انت الموقف عامل ازاي؟ كورة نقطع بعض نشتم بعض عشان كورة - [00:12:09](#)

طب ليلة الناس من شعبان دي هتعدى على الاهلاوية الزملاوية ازاي يعني فريق بيراميدز ده يعني هنعمل معه ايه؟ ليلة النص معلى يعني لازم نفكر كويس. الامور دي لازم تتزبط - [00:12:27](#)

انا جبت لك كل مستويات الخلافات عشان احسبك ان انت مش معدي من المشاحن ديت انت تلاقي نفسك متورط فيها. في اي حاجة من اللي انا قلتها دي سياسة. كورة. عيلة. اصحاب. ميراث. في حاجة هتلاقىها - [00:12:40](#)

عشان ما تسمعش الحديث ده كده كل مرة يعدي عليك كده ايه اللي هو انا ما ليش دعوة بالناس دي. لا انت معنا وحاولت احل

